



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 18. De Gaspare Sobrino.

urn:nbn:de:hbz:466:1-38528

Optimorum Regum dominiis inhiant, ut quamplurimos secum perditum eant, & quæ animorum ac corporum piratae. Cùm verò disceptaretur de remedio perniciolorum libellorum, & censerent nonnulli corum exemplaria per Americam spargenda esse, ad hostium insidias detegendas, sententia Societatis prævaluit afferentis ignibus aut tenebris libellos hos esse adjudicandos, ne incautis pestem aliquam afflarent, aut rebellionis causa essent. Pro servata Sociorum navi aëte Deo gratia sunt: argumentis enim vetosimilibus postea deprehensum, piratas ex ipsa Europa eo fine venisse, ut Jesuitis in ostio fluminis Argentei insidiarentur. Sed Deo Optimo protegente factum, ut dum nautæ inter se disceptarent, an navis ad stationem, quâ se piratae occultaverant, appellerent, venti ita faverint, ut necessariò ultra progreendi fuerit. Sic evitatis insidias subsidiarii Socii partim ad Hispanorum urbes, partim ad Barbaras nationes amandati sunt.

CAPUT
XVIII.
De Gaspare
Sobrino.

Parentes.

Educatio.

Itinera.

Modestia.

Pietas.

Tolerantia.

Laus.

CAPUT
XIX.

Caaroënses
& Iivisenses
Religionis
utcumque
conciliatur.

Caaroënses
sylva.

Iivius syl-
va.

Niezuvius
more.

AT Gaspar Sobrinus, procuratione functus, Chileni regni Vice-provincialis designatus, cum sex Sociis Europæis secum advestis in provinciam suam contendit, quo factum, ut Paraguaria utilissimo viro, & à me non sine laude dimittendo, imposterum careret: nam post Chilenæ Vice-provinciæ gubernationem ad Limani Collegii, & subinde Quitensis provinciæ regimen, evocatus, deinceps Limæ consenuit. Ejus Majores olim inter Regem Aragoniæ & nonnullos Primates Regni candidatos arbitri fuere. Pater verò, anno præteriti sœculi nonagesimo-quinto, nobilitatis deputationem, præcipuum Aragoniæ Magistratum obtinuit, & subinde totius Regni rebus rectè componendis præpositus est. A quo noster Gaspar pro pædagogô domestico Petrum Paulaçam, Archiepiscopum postea Cælaugustanum, accepit. Post initam Societatem, septemdecim leucarum' millia navigando, & terrestri itinere decem millia cum emensum fuisse, author est Bartholomæus Tafur, Collegii Limani Rector. Quitensem provinciam regens, Beati Borgiæ urbis parochiam indeptus, ad expeditionem Maranionis magno cum Religionis Christianæ emolumento viam stravit. Dimissionem ab gubernandi onere postulanti respondit Vitellescus Generalis, Societatis regimen esse unicam ad patientiam viam. Quotidie tribus horis rerum Divinarum contemplationi insisteret. Quoties carnis motus sepe prodebat, toties per mediam horam cruentè se flagellabat. Per sexdecim omnino annos vestem diurnam ad somnum caprandum nunquam posuit. Diebus Sabbathinis amorem erga Deum trecentis vicibus renovabat. Ad pœnitentis & modesti animi conservationem imaginariam sibi casam infra damnatos omnes construxerat. In Quitensi regno ortas in visitatione provinciæ difficultates religiosissime toleravit. Mutius Vitellescus Generalis ad eum consolatoriam Epistolam in hæc fermè verba scripsit. *Gaspar Sobrino macte animo, nam rectitudinem mentis & prudenter negotiorum administrationem in te uno semper observari, observaruntq; quotquot tuam industrias Rome in procuratione Paraquariensi, & in aula Regis Catholici, in rebus Chilensis regni eoram perpixerunt. Vtrobique te gessisti sicut decet sincerum Societatis matris nostra filium, pro quo, præter approbationem meam, spero amplissimam in Cælis mercedem tibi non defuntram. Sed hæc multò post evenere.*

INTEREA Rochus Gonsalvius, alias Urvaicæ terras adiens, materiam novis Sociis, quorum adventus fama percrebuerat, adornare satagebat. Primus labor fuit penetrasse ad Caaroënses sylvas, quod cognovisset earum incolas ad Fidem capessendam, vicinorum exemplo, & Petri Romeri hortatu, utcumque esse inclinatos. Has sylvas incolebant sexaginta Casiqui, quorum plerisque persuasit, ut in spem oppidi constituendi non procul uni ab aliis fementem facerent, promittentesque Christianæ legis doctorem de Societate propediem concessurum, ad livisenses per Piratinensem agrum iter circumflexit. Iivius, torrenti similior quam fluvio, ubi modicis anfractibus ab origine discessit, recto deinde fermè alveo in Urvaicam paulò suprà Ibititaquanos se exonerat. In utraque ejus ripa & adjacentibus campis sylvæ visuntur, quas quingenta circiter familiae cum suis Casiquiis incolebant. Eminebat inter omnes Niezuvius, qui beneficij arte & loquacitate efficerat,